

文房肆考圖說

文房肆攷圖說

目錄

練水唐東鈞衡銓氏纂

卷之二

古硯圖攷下

硯像二十一圖

開寶晨鐘

背陰

端方正直

背陰

圖書呈瑞

濯淵進德

五福奉壽

青鸞獻壽

壽同日月

背陰

硯池泉布

背陰

太極儀象

背陰

銅雀瓦硯

背陰

連篇月露

犀牛望月

迴文觀德

井田硯

背陰

古硯攷上

端硯名義

端石天宿鍾靈

攷据志史

六一集

事林廣記

石以紋命名

舊坑新坑

諸坑石品

端溪有三巖下巖無新坑

中巖舊坑新坑辨

上巖新坑舊坑辨

巖石亦有三疊優劣

眼辨

石有眼易分品第

花紋辨

古製硯名

玉堂新樣

水坑難采世罕

端溪久重天下

文房肆攷圖說

溧水陶仁育潤蒼

明府永齋曾父師鑒定

上海曹洪志士心
上海曹洪陶範成
全叅

長洲胡梅元理

家先生桐園公閱


練水唐秉鈞衡銓
纂

門人劉復德
校


第二卷

古硯圖下


開寶農鍾




背陰




端正方直



背 陰




圖書呈瑞




古今圖書集成

三

濯淵進德




五福奉壽




五福奉壽

青鸞獻壽



壽 同 日 月




壽同日月


三才圖會

三


背 陰




布泉池硯




背 陰




太極儀象




背 陰



銅雀瓦視




背 陰



一、二、三、四、五、六、七、八、九、十、十一、十二、十三、十四、十五、十六、十七、十八、十九、二十、二十一、二十二、二十三、二十四、二十五、二十六、二十七、二十八、二十九、三十、三十一、三十二、三十三、三十四、三十五、三十六、三十七、三十八、三十九、四十、四十一、四十二、四十三、四十四、四十五、四十六、四十七、四十八、四十九、五十、五十一、五十二、五十三、五十四、五十五、五十六、五十七、五十八、五十九、六十、六十一、六十二、六十三、六十四、六十五、六十六、六十七、六十八、六十九、七十、七十一、七十二、七十三、七十四、七十五、七十六、七十七、七十八、七十九、八十、八十一、八十二、八十三、八十四、八十五、八十六、八十七、八十八、八十九、九十、九十一、九十二、九十三、九十四、九十五、九十六、九十七、九十八、九十九、一百


連篇月露




三才集卷二

子

月望牛屏




迴文觀德




三
大
科
子
天
一
十

井田硯



背 陰



古硯攷上

端硯名義

硯以端稱者何。就其所產之處而名之也。此硯石產於廣東端州。治高要縣之端溪。故曰端硯。隋唐宋皆名端州。迄宋神宗政和初。封第十一子徽宗為端王。以潛藩邸。始賜號改名肇慶府。府東三十三里有山曰斧柯。在大江中之南。蓋靈羊峽之對山也。斧柯山峻峙壁立。下際潮水。自江之湄登山。行三四里。即為硯巖也。先至者曰下巖。下巖之中有泉出焉。雖大旱

未嘗涸。下巖之上曰中巖。中巖之上曰上巖。自上巖轉山之背曰龍巖。龍巖蓋唐取硯之所也。後下巖得石勝龍巖。龍巖不復取矣。

端溪

端溪一名西江。在羚羊峽之東。溪長一里許。廣不盈尺。自溪口北行三十步。一穴在山下。高三尺許。乃水巖口也。匍匐而入。至五六丈爲正坑。從正坑右轉數丈爲西坑。坑門最小。從其旁入爲中坑。從正坑左轉十餘丈爲東坑。東坑外即大江矣。坑中水淵濶不竭。

以巽窺傳水注槽筧中水消竭乃可下鑿石有三層
上層者稍寬中層多鵝鵝眼下層在水底多破碎不
受斧鑿凡東西中三坑皆然坑即洞故三坑又稱三
洞而東洞尤美

端溪硯石本天宿所鍾靈

考端州天文牛女分野直星紀僧一行曰天地兩戒
山河與天之雲漢始末謂星紀得雲漢降氣為百川
下流云。羚羊峽距郡東三十里東三江之水其山產
石類硯。唐宋以來才人文士采作硯材蘇文忠稱

為寶石蓋東西粵扶輿之脈蘊閭也未至峽十里為
大堯山皆牛毛細鐵宛如畫境峽山青蒼對峙江流
泓淨頗似嚴灘峽

攷稽志史

端州郡志云端溪石硯有青紋者謂之青條其短者
謂之眼筋下巖石亦有之色微斑者謂之火點下巖
無坑又有曰赤裂曰黃霞曰鐵線曰白鑽者圓而深
如鑽眼曰壓矢其色斑駁唐柳公權云端州有溪產
石子作硯有赤白黃色點者謂之鸛鵲眼或脈理黃

者謂之金線紋

六一集

歐陽文忠公外集云。端石出端溪。色理瑩潤。本以子石為上。子石者在大石中生。蓋精石也。而流俗傳說。遂以紫石為上。又有貯水不耗為佳。有鵠鵝眼者為貴。惟北巖則有之。

事林廣記

記云。端硯出端溪。有上下巖。西坑餘處悉其下也。惟北巖為上。北巖即下巖。色理瑩潤。有鑑者更發墨本。

以子石為上。子石者即大石中生。蓋精石也。又有草
蒙茸金線紋。惟有眼者最貴。謂之鵝眼石。紋精美。

石以紋色命名

石之紋色最貴者曰青花。微細如塵。隱隱浮出。或如
蟻虱脚者為上。麤點成片者次之。蓋石細極乃有青
花。青花者石之精華也。又有紅綠分明。名朱砂翡翠。
斑者亦貴也。外則有若黃氣散布。鴻鴻濛濛。號曰黃
龍文者。有若點黃如粟。號曰麻鵲斑者。有黃若絲縷
號曰金綫者。斑蝕如蟲噬。號曰蟲蛀者。有兩傍色赭

號曰鱣魚邊者。有若水氣縈折如一道川流者。或圓文如水花珠湧有層數者。有拖綠織長如玉帶者。有若紫氣奔而迴礪名火捺者。有純白成大片名蕉葉白者。又如血暈散開有若雲霧之氣。或小而圓輪若金錢者。然黃龍金綫等紋皆石之病。火捺蕉葉白亦乃石皮。真賞家能辨之。邇來世俗群推蕉葉白為端硯之最。其殆考之未確。審之未精。而訛以傳誤之故歟。即青花麤者亦是巖底。最下一層為沙板。不足貴。上層為天花板。麤而且煖。大抵上下及四旁皆不精。

過細又不精。惟中層者純深秀嫩。一片真氣如新泉欲流。又如雲霞氤氲。溫柔長煖。斯乃石之髓也。得之可以盡廢諸巖之石矣。

舊坑新坑

唐宋古硯。大率老坑新坑等十餘種。老坑則有龍巖、汲綆、黃圃三處。汲綆全無眼。其新坑則有後磨、小独、唐寶、黃坑、蚌坑、鐵坑六處。皆不及上龍巖等三舊坑石。

諸坑石品

半邊山。於斧柯山下分路稍東。亦斧柯麓也。半邊山諸巖有大秋風。小秋風。獸頭。獅子。桃花河頭。新坑。黃坑等名。皆在斧柯之下。諸品石色少灰青。與下巖南壁石中巖北壁石相類。但半邊山巖極多眼。惟暈少耳。近南者眼大。暈差稍綠。近北者眼小。暈愈少。所謂菰豆眼是也。然皆不及下巖。若中巖者。層暈多青綠。赤黃紫色。各皆淺淡不同。

蚌坑石。自壽湖山諸谷水聚為大溪。轉斧柯山下。出大江中。然猶是山下之澗谷。皆波濤所擊。風日所曝。

雷雨所推。性堅乃頑。狠不才之物也。但人能到其處。可以拾取。端人謂之野石。蓋遍地是也。甚易得之。而他處人不識。往往反愛之。正所謂鄭聲亂雅也。其顏色深紫。有眼。即黃白微帶青色。偏邪不正。無暈道。無瞳子。有翳。雖潤亦不榮墨。

黃坑石。與上坑巖相類。新坑石。與半邊山石之劣者相類。但半段碎小耳。

小湘峽。在州之西四十里。其石類巖石。而性軟燥。色深紫。如蚌坑及後歷石。眼亦類蚌坑石。大抵潤不及

坑石。而發墨勝之。

後歷山在州北十里。石性軟燥。色深紫帶黃赤。間亦有眼。極類蚌坑。堅潤不及發墨次之。

龍巖石。色深紫。眼少有。則類中巖。半邊山者。

石鑛凡十一。北岬坑曰阿婆。曰白婆墳。其石質黯黝不鮮。佳者亦有火捺紋。蕉葉白。可亂水巖。朝天巖。惟青花中黃星密灑如塵。眼大於螺。若人張目。湛湛無神。真賞家以此辨定。碧點長斜似眼。無瞳。每石一片。可得十二三點。十數點者。

梅花坑在峽外三水境中。峽將盡。岨南山坳有洞。書
宋治平四年。差太監魏某重開。土人名曰巖仔坑。其
石叩之聲泠泠。久磨能滑。傍有塚。相傳其時開鑿中
虛崩閉數百十人。太監死焉。守土者葬其冠服於此。
新坑從巖仔坑下度小山。曰新坑。其石細潤微青。蕉
葉白亦青。

朝天巖從新坑西上。越水澗。隔裏曰朝天巖。土人名
裏其石堅實。不能滑膩。火捺紋成結不運。若蠟炬著
墜壁斜。及燒損几案處。蕉葉白色晦氣黃。純潔無

痕者亦可貴。

古塔巖其石比朝天巖無火捺紋蕉葉白。

屏風背。在古塔巖後。其石木如譬猪肝。曝於風日。

宣德巖。在屏風背下。去水巖二里許。其石髣髴水巖。久不可得。

水坑。從巖仔坑東有洞。廣如屋。舊時開坑。石工所棲之所。久東有小山圓阜。其下為水坑。折上數十步。有萬歷二十八年。差督理珠池市舶內官監太監李鳳。開坑封坑月日。立石。

端溪有三巖下巖無新坑

端溪下巖舊坑石大至數尺。追琢去胞絡黃臙。方得璞中硯材。卽世謂子石也。色黑如漆。細潤如玉。有眼。眼內有暈三四層。五六層不等。暈中心有黑點象瞳。或六七眼相連。排列星斗異形。扣之清越。研之無聲。著水磨墨不熱。無泡。如與墨相戀。不捨。墨愈堅。其戀石也彌甚。油油然若雲氣蒸湧。稍斫輒滿。以他石硯並之。水之分数同。墨同。手之輕重同。水巖常少。他石硯十之三四。故不費墨。良久微浸。若油艷發。墨著筆。

端即起積痕細薄披之盡脫故不損毫此品南唐時
已難得至宋慶歷間已竭矣又一種卵石亦去臙得
材色青黑細潤似玉有青花如筋頭大其點別似碧
玉晶瑩或青花之中有白點如粟與質不同排列星
斗水濕方見扣之無聲磨墨亦無聲宋時亦已采盡
此硯同舊坑石久用鋒鋠不退鈍不假磨礱最貴唐
吳淑硯賦所謂點滴青花是也故名青花子石今訛
爲青花紫石李長吉豈亦耳鑒而無心賞故其詩已
訛子字爲紫字其實未嘗紫也下巖又名北壁在大

江之中故相傳北壁有龍潭硯也。蘇子瞻硯銘云：千夫挽縵者，即此下巖。惟有舊坑，別無新坑。上中二巖，則皆有新坑者。原坑已盡，別開一穴也。下巖深江險坎，無可別開，故無新坑爾。

端溪中巖舊坑新坑之辨

端溪中巖舊坑石卵，石色紫如嫩肝，細潤如玉，圓而正者為眼，有紋橫而長者為條紋，扣之無聲，磨墨亦無聲。此二種石最貴。外有橫臆包絡，久用鋒芒不退。此石宋時坑亦取竭矣。總之石性貴潤，色貴青紫。

中巖新坑石色淡紫。眼如鵠鵠。大中有暈。嫩者扣之亦無甚聲。磨墨微有聲。久用鋒芒退乏。石有枯潤潤者亦難得。比較下巖石低三等矣。

端溪上巖舊坑新坑之辨

端溪上巖舊坑有青紫。新坑皆灰色。紫而麓。嫩眼如雄鷄眼大。扣之磨墨皆有聲。有松板紋。或整齊如塔狀。久用光如鏡面。舊坑少勝新坑。

巖石各有三疊優劣

凡巖底石皆頑極細不發墨。又色污雜。不可以硯。端

人謂之鴨屎石。底石之上。大率如石榴子。又如磚坯。自底至頂中作三疊。下疊居底石之上。最佳品也。石必有眼。端人謂之脚石。中疊居下疊之上。次石也。眼或有或無。端人謂之腰石。上疊居中疊之上。又次石也。皆無眼。端人謂之頂石。頂石之上。皆蓋石也。俱頑麤而不堪用。大抵三疊皆有麤絡。無非子石。世人乃謂別一種子石。非也。蓋往往崩落巖下泉澗中者。其形偶圓類卵。人或於水中摸得之。故妄有此說。

眼辨

石之有眼猶木之有節。不知者或以為病。然眼不宜多。亦猶木之不宜密節也。所以古人有言曰。無眼不成端。有眼端之病。然惟端石有眼。而有死眼。淚眼。活眼之分。黃黑相間。顰睛在內。晶瑩可愛。謂之活眼。四傍浸漬。不甚鮮明。謂之淚眼。形體雖具。內外模糊。謂之死眼。活眼為上。淚眼次之。死眼下矣。凡有眼之石。在水巖中尤真。密溫潤。端人謂石嫩則眼潤。老則眼枯。嫩石細潤發墨。所以重有眼也。有青脉者必有眼。端人謂之眼筋。故腰石脚石多有青脉。而頂石無眼。

每光淨而無青筋。

石有眼易分品第

巖性枯燥則色黃褐灰蒼潤則色青紫矣。故黃赤之眼皆為下品。若眼赤黃輕青綠重即漸為上品也。龍巖石色深紫眼少然亦有類中巖半邊者。

眼之佳者青綠黃三色相間暈多者自外至心凡九匝其大者尤為希有。或布列硯中如北斗心房星之形。世人以眼之多少為價之輕重其生於墨池之外者謂之高眼生於內者謂之低眼高眼尤尚。

眼之別者曰鸛鵒曰鸛哥曰雀眼曰鷄眼曰
猶眼曰菜豆各以形似名之有大者如五銖錢小者
如芥惟翠綠圓正暈多清朗有瞳子非肉非淚非死
為貴眼又貴碧不貴赤貴圓不貴長貴陽不貴陰綠
明為陽黃暗為陰大率暈有奇有偶多至十餘重者
李賀有端州青花硯歌蓋是唐宋時便以青眼為上
黃次之赤為下也眼赤圈如珊瑚鳥目石嫩眼侵土
氣者若象牙其瞳分明亦足賞鸛鵒眼碧色數暈對
之奕奕射人圓正明媚者不易得

花紋辨

火捺紋者。石之堅處。血之所凝。故其色紅紫或黑。紋如朝霞蔚起。散若馬尾。又若刷絲縈繞。絢采熊熊。大當錢有芒曰金錢火捺品。上上也。蕉葉白。石之嫩處。膏之所成。故其白一片純潔無斑類。上下四旁必有火捺紋掩映。老坑皎潔比純素。近坑白中雜出青花也。青花上品。若潤沁細藻。朱碧瑩然。繡縷隱隱。有如秋雲綿密。或如水波微塵。視之不見。浸於水中乃見。必須心如毫髮。乃知其妙。此石乃在窮澗水之所凝。

雲之所成。玉而非玉。冰而非冰。水為其氣。雲為其神。其石之質。欲化而冰之體已堅。體重而輕。質剛而柔。摩之寂寂。無纖響。按之若小兒肌膚。溫軟。漱而不滑。秀而多姿。握之稍久。掌中水滋。名曰靈泉。此真端溪之精英。其優過於瓊瑶。筆陣圖所謂浮津無價之奇者。凡香有結。石亦然。香木之結者為香。端石之結者為硯。其石大至數尺。去其不結。取其結者。僅得結就。掌許石子。真是璞玉。故硯之大而佳者。不可得。通水巖中石之結者。無幾。非片片皆精好也。有如魚兒隊。

行青花明顯如石花菜者。石工稱為芋紋。品中中黃龍紋。斜亘石面。工指為瑕。若游揚如雲氣如薄羅。亦移人情。鐵捺紋。黧然黑色。鳳涎紋如蚯蚓。皆石疵。

古製硯名

古人得獲美石。則令名工硯匠就其石子形像。眼之高下。因材作硯。如前圖之外。有如東坡嘗得石。不加斧鑿。以為研。後人尋巖石自然平整者。倣之曰天妍。宣和初。御府降樣。造形若風字。如鳳池樣。但平底耳。有田環刻海水魚龍三神山。水池作崑崙狀。左日右

月星斗羅列以供太上皇書府之用。

太上皇徽宗也。

此外又

有曰垂裾風字。曰平底風字。曰有脚風字。曰古樣風字。曰琴足風字。曰鳳池。曰四直。曰古樣四直。曰雙錦四直。曰合歡四直。曰箕樣。曰斧樣。曰瓢樣。曰瓜樣。曰人面。曰蓮。曰荷葉。曰僊桃。曰鐘樣。曰卵樣。曰笏樣。曰圭樣。曰璧樣。曰鼎樣。曰玉臺。曰蟾樣。曰龜樣。曰梭樣。曰琴樣。曰琵琶樣。曰鏤樣。曰雙魚樣。曰團樣。曰八稜角柄乘硯。曰八稜乘硯。曰竹節乘硯。曰硯磚。曰硯板。曰房相硯。曰月硯。曰腰鼓。曰馬蹄。曰月池。曰蓬萊樣。

玉堂新樣

宋丁寶臣知端州。以詩偕端溪綠石硯送王荊公。謂之玉堂新樣。介甫以詩報之云。玉堂新樣世爭傳。況是蠻溪綠石鐫。嗟我長來無異物。愧君持贈有新篇。久埋瘴霧看猶濕。一取春波洗更鮮。還與古人袍色似。論心於此亦同堅。

水坑難采世罕

巖仔坑東小山圓阜下。為下巖。巖有兩口。其中則通為一穴。大者取硯所自入。小者泉水所自出。故號曰

水口曰洞臨江小於圭竇石工裸身初入頭洞要至
水坑自高而下二里許魚貫而入不得昂首直腰中
有竇有軒或盤或援乃得至二人仰卧膝前置磁盤
於胃盛豬膏漬布索燃照不可以坐捧沿洄曲水螺
旋而進行皆向東入洞西轉有淵不測投以石聞水
聲急轉東折不則墮下深淵矣以故開坑先引水閱
月費金錢累千金東坡端硯銘云千夫挽縵百夫運
斤篝火下鎚乃得斯珍豈欺世而過為尊貴之詞哉
洞有三曰正洞曰東洞曰西洞正洞石上上東洞次

之西洞。又次之。土人皆名曰老坑。初至者。即西洞。其石無眼。又入為康子坑。此巖最寒。能傷人。康子之前。又入為東洞。多蕉葉。白。其後為正洞。又名北洞。石彌純粹。水彌深。蓋泉生其中。非石生泉內也。故潤自性。生外。近江水。瀰漫湧溢。歲久。崩摧巖之中。石屑翳塞。穿漏堪虞。宋治平中。慮其傾頽。鑿留數柱。名為東留。柱西留。柱繼則併取其柱。以木代之。洞石懸崖。積水淵浩。淺深崩墮。皆莫可測。石工不能復采。宋季已為不易得之寶矣。

端溪久重天下

歷代以來用端溪硯。至南唐李主時。端溪舊坑已竭。不得已而思其次。遂開新坑。宋司硯唯賜史官。故端硯重於天下。熙寧中。杜諮知端州。禁民毋得采石。而杜獨占之。世人謠稱杜萬石。濂溪周子時提點廣南東路刑獄。惡其奪民之利。因為題請。凡仕於州者。買硯毋得過二枚。遂著為令。杜諮遂以蒙詔。元制把總一員。專轄守坑。律盜坑石比竊盜論。明永樂宣德間。開坑未幾。俱罷去。崇禎末。蜀人熊文燦總督兩廣。日

指揮蘇萬邦致石工於江西。緼火中夜開坑。不敢自
日中也。丁亥後守禁罷。屢次開坑。工受官役。日有程
不擇膚理。亂肆鑿伐。文明之璞。靈秀之脉。遭其鹵莽。
割裂山川。元氣天地。真蘊益漸耗竭矣。即居民采石
養家。祇圖便易。俱以厲石欺人。從此絕無寶硯。端石
之重於天下。豈第因此山陵谷。無有問津之處哉。

文房肆攷圖說

目錄

練水唐東鈞衡銓氏纂

卷之三

古硯攷下

體味下巖水坑石子之美

審辨諸巖石之疵

水巖石子天地之精山

靈之寶得之有命

端硯宋時已假

硯價

硯賈倍蓰不等

歙硯

歙硯龍尾新舊坑

欵硯四品新舊坑

金星新舊坑辨

銀星新舊坑辨

澄泥硯

家先生桐園公澄泥說

漢未央宮瓦硯

江西新造未央宮瓦硯

各處產硯

諸硯題名

做硯法

造瓦硯

補硯法

諸硯總評

鐵硯

暖硯

滌硯法

硯匣

文房肆攷圖說

嘉應曾錫璋裁士

世親西齋蔡老先生鑒定

文安沈南齡裕山
桐鄉孔廣蘭畹滋

仝叅

上海徐寶賢漢威

家先生桐園公閱

練水唐秉鈞衡銓纂

姪孫家梅校

第三卷

古硯攷下

體味下巖水坑石子之美

下巖子石產於窮淵。玉肌膩理。入手溫潤。視之自有
一種生氣。鮮潔清麗。磨之與墨相親。摩娑心動。槽中
之水。臨冬極寒。他硯常冰。而水巖獨否。其體質之美。
千奇百變。不可殫窮。餘見上卷一。

審辨諸坑石之疵

石之病曰鐵線。乃是臙皮隔處。若於線上鑿之。則應
手而斷。曰瑕。灰黃色如龍蛇橫斜布石上。曰黃龍。白
文曰鑽。如蛀蟲眼。若被斧鑿觸裂者。曰驚。有斜斑處。

如火燒狀曰火黯。又名熨火焦。惟巖石有之。他山石皆無故。端人不以為病而為小疵也。

水巖石子天地之精山靈之寶得之有命

端溪之南第一峯第一條坑為水巖。第三條為文殊坑。雪中一條為虎坑。水巖之上為屏風背。為朝天巖。為新坑。為巖仔。為宣德巖。宣德久已無石。西洞明初斧斤不輟。亦已鑿穿江水入焉。不可以復鑿。即所鑿時亦僅容二斧四人而已。取石一人秉燈一人中洞尚可容六斧十二人。東洞可容四斧八人。此巖自宋治平四

年重開有內官魏封勒石其上。封當與江西石匠數十人被巖裂壓死洞中。今巖口有魏太監墳。葬其客魂而已。石匠常為怪叫呼告哀。嘗擲礫以嚇人。入洞者毛髮凜然。畏鬼魅之為害。或亦山靈惜寶。不欲精華盡出於人間也。他若亞婆坑在峽北。從第一條坑而入。黃坑在峽南。從龍華寺後而入。石皆有眼而色紫質麗。梅花坑在峽口東。從沙步與水村而入。石亦有眼。眼大而暈重。不甚分明。質青亦麗。則山靈之所不甚吝惜者也。當宋初水巖未開。皆於七星巖北。將

軍嶺之下。名將軍坑者。取石其石色黑無眼質亦麤。至今黃岡硯佑取之。蓋諸坑石皆易采。唯水巖積水淵深。采取必俟冬始。以終春季。天寒江落。乃可烈炬而入。杓泉以出。非具大力者。不能辦此。即或金錢之費不訾。而得石幾何。有無莫必。而為此一卷之石。與蛟螭爭於水府。崖壁一拆。性命齊捐。噫嘻。可不畏哉。況寶物之出。自必有時。佳石之得。亦良有命。天地之英華有盡。而日消月削。金鑛銀坑。砂窟尚或告盡。而況九淵神髓。美瑜瓊瑤者乎。崇禎末。蜀人熊文燦。總

制兩廣。日所開石尚勝後之某藩王所開石。此後日不如前。可知端溪之精華亦漸竭矣。奚必此山陵谷無復問津處耶。

端硯宋時已假

夫端硯於宋代非徒上重。官司歲以為貢。即流俗亦競爭奇。嘗采他石。攷製為硯以惑人。然十無一二發墨者。但充玩好而已。今士大夫家所藏硯多此品。他處石類端溪而非者。有一種潔石出九溪濞溪。表深青裏深紫而帶紅。有極潤細者。然以之磨墨則水塞。

而不鬆快。愈用愈光。而頑硬如鏡面。間有金線黃脉。直截如界行相間者。號紫袍金帶。宋高宗朝。戚里曾以進御。不稱旨。又有一種辰沅州墨石。色深黑。質麤燥。或微有小眼。黯然不分明。人不知。往往稱為黑端。相去天淵矣。今端民負販者。多市沅硯璞而歸。刻作端溪樣。以眩士大夫。每獲重價。若辰沅人自鐫刻者。則大雕篆。或作荷花蓮水波犀牛龜魚八角六花等樣。藻飾異常。雖極工巧。而材不堪用。

鹽羊峽之南岸金渡村。居民則以龍鬚蒲蓆為生。其

西北岸有村曰黃岡居民五百餘家無可耕桑以石為生性多狡黠善以磨坑石惑人其琢紫石以製硯者半琢白石錫石以作屏風几案盤盂諸物者半歲售天下每得重價利踰萬金白石即西洋諸番亦來買取蓋黃岡衣食於石自宋迄今享山巖之利數百年矣又近歲往往有一二所新出之石氣韻顏色幾足亂真今世之所謂端硯者大約此物也或偽為佳眼其上蠟以沃之頗亦可觀亂雅非真賞者鮮能識別侯官高固齋有詩云石工欺汝只纖毫翡翠朱砂

總未高。鸚鵡眼多堪抵鵲梅花坑好可磨刀。觀此則知奸匠之偽造已久。非今日始矣。

硯價

蘇易簡硯譜云。端溪硯水中者石色青。山半者石色紫。山頂石尤潤。如猪肝色者佳。若匠者識山之脉理。鑿一窟。自然有圓石青紫色者。琢而為硯。可直千金。謂之子石硯。

魏泰東軒筆錄云。端溪硯有三種。曰巖山。曰西坑。曰後磨石。石色深紫。襯手而潤。叩之清遠。有青綠圓小。

鵠鵠眼乃巖石也。其次色赤。呵之乃潤。鵠鵠眼色紫。紋漫而大。此乃西坑石也。其下青紫色。向明側視。有碎星光點。如沙中雲母。乾而少潤。謂之後磨石。西坑硯三當巖石之一。後磨石三當西坑之一。其品可知。硯賈倍蓰不等。

硯之優劣。天淵。賈之貴賤。迥異。下巖水底腳石。十倍於南壁石。南壁石。十倍於中巖北壁石。半邊山南諸巖石。倍於中巖南壁石。半邊山北諸巖。及龍巖中巖。南壁石。倍上巖諸穴石。上巖諸穴。倍小湘石。小湘石。

倍後歷蚌坑石。後歷之佳者。亦有可與上巖諸穴賈等。

歙硯

歙石硯。出徽州婺源龍尾山。山西連武溪。其石堅勁。瑩潤多發墨。品有五。以金星者爲貴。然以斑顯鮮明。如泥金者爲上。最好者其形如龍尾。謂之龍尾金星。若散布如花瓣落滿者。次之。凡有金星者。石色必帶綠色。或紋如蘆花。或如織羅樣。或如眉毛。或如鷓鴣斑。其紋皆白色。隱隱如銀。此四種又次之。若無紋者。

不足論矣。歙硯而大者色不過黑。竟無紋可名焉。然歙硯石理微麤。手摩之。索索有鋒鋌。故甚落墨。亦是佳者。勿以其粗而忽視之。歐陽文忠公少時得金坑礪石。堅而發墨。謂世所罕有。夫端石以端溪北壁子石為上。歙石以深溪龍尾為上。較其優劣。龍尾遠勝端溪。而端溪以後出。故得見稱為雅俗所同推爾。

歙溪龍尾新舊坑

歙溪龍尾舊坑亦是卵石。故難得大者。極不過四五寸。多作月硯。就其坯也。色淡青黑。湛如秋水。並無紋。

以水浸之微似紫而細潤如玉或隱隱有白紋成山水墨牛星月異樣乾則隱發墨如油無聲久用不退鋒或有紅黑如角者貴東坡最貴此品不減端溪下巖石然龍尾舊坑雖極細猶微澁墨端溪下巖則潤如盤盤塌蠟矣以此為辨南唐時方開龍尾舊坑今已無之新坑色亦青黑無紋而麓燥瀉墨退筆久則鈍乏有極大盈三尺者無論端溪下巖歛溪舊坑石子硯絕不大若長大者乃四旁頂上等處之石非子石也

歙溪四品新舊坑

歙溪舊坑四品。一曰羅紋。其紋如細羅紋。而質潤如玉。一曰刷絲。其紋細密如髮。每條絲理相去一二分不等。一曰金銀間刷絲。其紋黃白相間。亦細密精雅。一曰眉子。其紋如甲痕。或如卧蚕。有長至二三寸。以上四品舊坑皆青黑色。亦南唐時開。至宋即無得之。貴重不減龍尾舊坑。羅紋如蘿蔔大者。盈二三寸。新坑四品各質。並比舊坑枯燥。紋亦麓矣。

金星新舊坑辨

金星新舊坑並麓燥石色皆淡青黑。雖金星潑面而有星處不堪磨墨。工人多側取之。置其星於外。謂之金星墻壁。其礪墨如鋸。而確退筆大可盈尺。久用退乏如鏡面。

銀星新舊坑辨

銀星者面上多白點如粟米大。此為銀星也。舊坑銀坑石色皆淡青黑。並麓燥有星處不堪磨墨。多側取為硯。久用則退乏。其小者如鏡面。大者盈尺。

澄泥硯

號州澄泥。唐人硯品以為第一。而今人罕見矣。今所謂陶人以河海沙土如磚瓦配合入窑燒成。最上者曰鱔黃。其次綠頭砂。再次玫瑰紫。其黃上見斑點大者為豆辨砂。細者為菜豆砂。有者皆發墨。然多麤燥。損筆不堪。難為士林珍重。僅可供俗吏字匠之用耳。

家先生桐國公澄泥硯說

嘗聞論硯者云。端石、歙石、澄泥三者並重。而澄泥之最上者為鱔魚黃。其次綠頭青。再次玫瑰紫。其黃上見斑點大者為豆辨砂。小者為菜豆砂。有二砂者善。

落墨文房四譜云。山西絳縣人善製澄泥硯。縱絹袋

於汾水中。

在汾陽縣

踰年後。則泥已寔囊矣。或以夾布

囊盛堽泥。水中擺之。得細者。澄去清水。令微乾。入黃

丹。團按如麪。入模中。壓令至堅。以竹刀刻作硯狀。微

蔭乾。利刀削成。曝乾。厚以稻糠并黃牛糞。和入窰中。

陶之一復時。然後入墨蠟。貯米醋蒸之。五七度。不亞

於石。水不涸焉。又江南之通州寶山。亦名有澄泥硯。

此皆海濱之大川沙。小川沙。黃窰等處土人。於海灘

泥沙中。挖得磚塊為之。或謂春申君黃歇。開窰陶造

澄泥於此。故名黃窰。余意戰國至今已二千幾百年
矣。即果有春申陶此之事。未必殘磚斷塊不化而為
烏有。而能直留至今日者也。其必因明洪武中築寶
山吳淞二所磚城於黃窰開陶。即取海灘近水澄細
堅泥作磚。當時殘缺斷廢。傾棄海灘。及寶山所城沒
海中。頽墻壞堞。為波濤流沙蕩停海塘。年久海中火
性消盡。土人得之。以為硯。故雖間或有之。而佳者絕
少。憶甲戌乙亥年。余流寓月浦。距黃窰不及數里。屢
於士庶家見之。時有友人錢君。字文叔家藏大小二硯。

出小者遺我質。粗落墨。每易損筆。暫用為硯。不過
利於風簷寸晷耳。然曾托友郁印垂持至專諸巷。作
匣硯工顧店。願以六金相易。印垂以物非我主辭之。
可見不殊落墨之硯。價直已不賤矣。又憶庚寅仲夏。
通州牧沈公。公北直甲榜名震字咸華。參將偉貌。延
余入署半月。惠硯二方。其鑒別硯之優劣。畫然不爽。
時值奉

旨修城。而通城傾倒者什之七八。余於公之書廳外。
見有毛石數方。心竊異之。因問此是何物。曰此宋澄

泥也。余詢何以知為宋澄泥。曰：通州城乃宋韓世忠所建。建後未曾修。州志可攷。此番工同新建。重作水關。改換石底。斯磚於關底拆出。驗之固係澄泥。故知為宋朝物也。余即乞惠一塊。入笥中。帶至蘇州。製硯作匣。共付工價銀三兩。成之堅重細潤。四圍鱗魚黃與菜豆青相間。如虹暈月華五六層。針頭銀星密布。滿面水中日光射之。閃爍耀目。豆瓣砂朗朗疎雜其間。落墨速而且細。真寶硯也。乃今商宦不察。素聞通州產澄泥硯。每至於斯。欲購一二而不可得。即得之。

其真莫辨。嘗見每年三月。狼山香信。山下趕集市。
群紛陳。俱號澄泥硯。以欺人。過客無不貨之。豈知此
乃豫蘇州靈巖山礪村石。以偽之也。噫。真澄泥且難
得。而況宋代物乎。汾州者。余未之見。又未知此時尚
產與否。茲惟就余目見心知者。有如此說。

漢未央宮瓦硯

未央宮在長安。漢高帝七年。丞相蕭何建。宮中諸殿。
瓦其身如半筒。而覆簷際者。則其頭有面外向。其面
徑五寸。圓一尺六寸。強有四篆字。字凡六等。一曰漢

并天下。一曰長樂未央。一曰儲胥未央。一曰長生無極。一曰萬壽無疆。一曰永壽無疆。一曰太極未央。面至背。厚一寸弱。其背平。可研墨。唐宋以來。人皆得之。即去其身。以為硯。故俗呼瓦頭硯也。或謂其質稍麤。又入土歲久。頗渴水。比銅雀瓦硯為少劣。抑豈知銅雀瓦雖精。然曹瞞所造。無足貴者。孰與未央諸瓦。出於漢初。為可重耳。自漢迄今。乾隆甲午。已二千餘年矣。其為寶物可知。其遭逢詎偶然事哉。

江西新造未央宮瓦硯

明吉水人王功載名佐云宣德中江西藩王寧府老
殿下造漢未央宮瓦硯改作今布瓦樣極精緻恒以
賜往來官員人多寶為清玩研墨頗不渴水其瓦高
八寸強闊六寸面至背厚一寸弱面上有銘凡十一
行行每六字末有曜仙書三字字皆古隸下有小圖
書寧國二字面中間刻其四圍作小條環樣硯硯上
有水池左有炎漢古甃繼天所錫右有子子孫孫永
寶世襲皆八篆字下有為愛琬陶之質宜加即墨之
珩十二小篆字凡四行其背中間大書未央宮東閣

凡六字。結方一寸。左有大漢十年四字。右有鄧侯蕭何監造六字。俱隸字。差小於中。

各處產硯

北京 燕畿梅山產石如烏金。亦有金星。頗貴重也。
江南 江南不第徽州府出歙硯。蘇州府靈巖。雙村石亦可作硯。有淡青。蟾魚黃二色。而佳者今已取盡。無有矣。山上市肆造以貨人者。非麓燥即不能發墨。歸愚沈公少壯時。家居其處。知其所產。嘗為余言之。
浙江 衢州之常山。開化出黑石。堅潤亞於歙。頗佳。

大者三尺但多不發墨

湖廣 荊州府歸州大沱石其色青黑斑斑其文理
微麤亦頗發墨歸峽人謂江水為沱蓋江水中石也
川峽人用之世未嘗有人少知名歐陽永叔為夷陵
令時曾得一枚辰州府沅州出一種石色深墨質
蒼燥或有小眼二州人自製者多作犀牛龜魚八角
等樣端溪市僧販歸刻作端石樣式稱為黑端以貨
士商官宦 潞溪石出常德辰州二府界石表淡青
色內深紫而帶紅或有金線及黃脉相間者號為紫

袍金帶。有極細潤者。久用則光如鏡。然紫袍金帶多有僞者。蓋以藥成之。分明有拆痕可審。長沙府綠石硯。又名洮石。多是潔石之表。或長沙府山谷中石也。但潤而却光。不受墨。

河南 相州古瓦硯。誠佳。然少真者。蓋真瓦朽腐。不可用。世俗尚其名耳。今人乃泥作古瓦狀。埋土中。久之而斲。以為硯。竟為相州古瓦也。按凡瓦皆發墨。較石更優。今見官府典吏。咸以破瓦窰片。研墨作文書。尤快。但質窳燥。式不雅。不可為學士文房案頭物也。

山東紫金石硯。出青州府。文理麗亦不發墨。惟京東人用之。紅絲石硯。六一外集云。君謨贈余云。此青州石也。得之唐彥猷云。須飲以水使足。乃可用。不然。竭燼彥猷甚奇此硯。以為發墨不減端石。君謨又言。端石紫潤。惟有鉉者尤發墨。歛石多鉉。惟膩理者特佳。蓋物之奇者。必異其類也。此言與余特異。故并記之。鈞意君謨之言。究非格物定論。天下物性之不同。不可執一也。青州濰州石末硯。皆瓦硯也。其善發墨也。非石硯之比。然稍麗者。損筆鋒。石末本用濰

水石故唐人惟稱濰州今青濰二州所作皆佳而青
州尤擅名於世。濰州今萊州府平度州之濰縣。

山西絳州角石者其色如白牛角其紋有花浪與
牛角無異或如浮圖佛塔然頑滑不發墨世人但以
研丹爾。

陝西臨洮府洮河綠石色綠如藍其潤如玉發墨
不減端溪下巖此石產於大河深水中甚難得也。

廣東廣東不但肇慶府端溪出子石硯瓊州府萬
州懸崖又產金星石可作硯質亞於端溪下巖色黑

如漆細潤如玉以水濕之則金星自見乾則否極發
墨久用不逸之非比歛也如得之不減端溪下巖石
貴重之至

諸硯題名

龍尾硯

金星硯

羅紋硯

蛾眉硯

角浪硯

松紋硯

豆斑硯

已上七硯俱出歙縣皆由石質之紋狀而異其名

實咸產於龍尾溪也金星為上龍尾尤佳

紅絲硯

黑角硯

黃玉硯

褐色硯

紫金硯

鵠金墨玉石硯

已上六硯俱出山東唐彥猷目紅絲硯為上號為天下第一

子石硯

鵠鵠硯

綠條硯

已上三硯俱出端溪咸是子石凡端硯總以子石為極品。猶璞中之玉無有不美者。鵠鵠綠條就其眼與紋色而異其稱亦皆子石。

紫金石硯

此硯出吉州

黃金硯 金雀石硯

已上二硯。出緇州。

熟鐵硯 石末硯

已上二硯。出青州。

磁洞硯 懸崖金星硯

已上二硯。出萬州。

古尾硯

此硯出相州。即銅雀硯也。

魯水硯

此硯出南劍州。

樂石硯

此硯出宿州。

綠石硯

此硯出洮州。

角石硯

此硯出絳州。

澄泥硯

此硯出魏州。

大陀石硯

此硯出歸州。

鼉磯島石硯

此硯出登州。有金星雪浪者佳。

製硯

凡斲石硯。鐫成硯後。先以水巖口之前。亞婆井。麗石磨之。次以靈山寺前細沙。和麝石磨之。再次以蚌蛇坑之石。細磨之。又以飛鼠巖之石。細細磨之。然後上蠟。使顏色增潤。偽造佳眼。亦必以蠟沃之。

造瓦硯

歐陽文忠公。文房四譜云。有造瓦硯法。人罕知其妙。嚮時有著作佐郎劉義叟。嘗如其法。造之絕佳。硯作未多。士大夫家未甚有。而義叟物故。獨余得其二。一以贈劉原父。一余置中書閣中。尤以為寶也。今士大夫不學書。故罕事筆硯。硯之見於時者。惟此耳。可知硯之佳者。雖甄陶造作所成。宋時亦少。文忠公尚且僅獲。何況他人。何況今日耶。

補硯法

硯有剝落處。則用黃蠟和墨。火烘補之。

諸硯總評

石末硯。發墨而磨筆。龍尾得墨遲。而久不燥。羅紋石起墨過於龍尾。端溪龍窠巖紫石。非水坑中物。乃巖上石也。又次之。古瓦類於石末之流。其他無足議矣。

鐵硯

鐵硯。歐陽文忠公稱其製作頗精。然患其不發墨。往往函端石於其中。人亦罕有。惟研筒便於提攜。官曹往往持之以自從。爾今之硯筒。皆以牛角為矣。

煖硯

冬月嚴寒硯凍市肆俱用錫造筆筒形下置油盞點火上面研墨或有陶器造成瓦器一則烟煤穢濁沾案及手二則火烘水乾非文房可用之物余家嚴令錫工製造三層硯上層四面鈎鑲中央用薄端石以便磨墨硯之高處作錫池貯水下層無底虛中可置小爐一個貯炭常煖其中間一層多積熱水令水氣上蒸常濕硯墨不即乾燥真是佳製

滌硯法

昔人云寧可三日不沐面不可三日不洗硯甚矣硯之必當勤洗也多洗則不竭燥多洗且得神氣過三日不洗宿墨膠凝書寫滯筆墨色塵灰不能清鮮矣春溫夏熱之候霉蒸易起尤宜頻滌滌硯不得用熱湯宜浴面水洗清水過之去墨不可用氈片故紙惟新鮮蓮房剝去週圍青皮及切去面上青者陰乾揩硯去宿墨庶無畫路之虞或老絲瓜枯穢筋及薑亦可若有油氣或椀皂角水洗之亦得半夏切平亦去滯墨倘油氣重硯則不能發墨不明物理者以為

佳硯變壞遂生厭棄。豈知墨乃烟煤所造。原有油性。且凡造印墨錠。匠手印板俱用油抹。始不沾污。故硯用墨日久。必致硯面油滑。不再發墨。無論端歙澄泥。美質好硯。皆不得免。則以舊黃磚片。或黑色蟋蟀盆片。輕磨洗面。即仍舊發墨矣。若用他磚。則粗而起路。磨雍頭刀之羊肝石。則膩而硯滑。皆能壞硯者也。不可用。

硯匣攷

硯匣不可用五金。蓋石乃金之所自出。金為石之精。

華子母同處。則子盜母氣。反能燥石。況金堅石嫩。易至擦傷。而又誨盜。當用佳漆為之。其法以絹作胎。用碗砂和生漆塗之。俟乾磨光。外用琴光。不必鑲嵌寶玉。余家惟用紫檀枸梓等木做匣。裏面底蓋仍用生漆。再加琴光素漆。外面耐得捥搥。裏面又不燦水。又硯雖低。匣蓋必令高過寸許。方雅觀。匣取其容硯。而周圍約寬三紙。用黃綾絹襯。切忌用細花犀皮之屬。他家於匣底作小穴小竅容指。以便出硯洗滌。亦可不必。

家先生桐園公寶硯山房記

寶硯山房者。乃余家藏硯所也。昔人云。美女梳粧。不可無古鏡。士人作書。不可無古硯。而余家世清寒。不能購佳硯。自先君秉鐸金陵。遵

功令而勤課士。庠中俊髦。錢義上。其父為販古巨商。適有蕉葉白硯一方。袖以奉先君。先君寶之。常置案頭。凡衡文著作。研磨不撤。余於儒家書外。喜讀內難諸經。得知軒岐之學。世伯樛西巖先生諱儼。與先君總角交。觀察粵東。還江西臬臺。而轉京堂。旋病

假歸延余治其疾。其嗣君德修與余又同事筆硯。世
誼交好。余不受酬。樓公遂出舊於廣東所得古硯饋
余。名日月運行硯。質細潤如美玉。手摸之似吮乳。小
兒肌未幾輒靈。泉若流。長五寸強。可供揮灑。卷冊小
幅。厠又有蘇姓友自戚印公粵中任回。送余井田硯。
一方雖是新坑。確亦細潤。積墨經旬不乾。然較宋代
老坑硯固遠不及。且不可與余昔贈馮婿之明代新
端比美。則知山靈產石。日不如前。其天地之精英。洵
亦漸竭矣。乎後有月浦友錢文叔遺余澄泥小硯一

方頗落墨不燥。但嫌出墨未甚細。究不辨高下新舊何如也。迨閱文房四譜。且於通州沈公署得宋之韓澄泥一大方。於是深究澄泥之妙。命工製硯。作成古樣四直。修盈尺。盪槽大池。可供大書匾對用。被匠取匿旁邊一條。鋸分截斷。可為四考硯。余念天下寶物。不可以獨擅。竟弗追索。沈公嘗奉憲委辦。

上用硯。所有下選者。尚高出尋常萬萬。非世俗寒儒

所經見。其門生武進錢孝廉

名維

取其。一公稔知余

男康鈞稚年博覽。癖好文具。亦惠一方。曰青鸞獻壽。

硯僅四寸強。可供撰文細楷用。余受而置諸行篋。歸示秉釣。秉釣見與昔樓公遺者。皆宋時水坑石子所琢。視如至寶。摩挲不釋手。喜而請曰。我家屢獲佳硯。合之祖遺蕉葉白硯。父傳日月運行硯。井田硯。大小澄泥硯。硯田可為富有。從此無憂歎歲矣。宜專室以弄藏。額而誌之可乎。余曰可。遂以南軒藏之。易名為寶硯山房。

紙筆墨攷

紙說

紙者砥也。以其平滑如砥石也。又名方絮白紙也。古
未有紙。故載文於簡策。方牘。所以王制太史典禮執
簡記。奉諱惡。杜預謂大事書之於策。小事簡牘而已。
爾雅簡謂之畢。以竹爲之。謂之簡札。凡書字有多有
少。一行可盡者。書之於簡。數行盡者。書之於方。方所
不容。乃書於策。策制長二尺。短者半之。嗣後以縑帛。
依書長短隨事截之。名曰幡紙。此造紙以當策之始
也。故其字從系。路溫舒好書。家貧無紙。則截蒲以寫
書。故有蒲竹蒲牒之稱。漢元興中。常侍蔡倫剉故布。

擣抄作紙。所謂蔡侯布帛。故其字從巾。一云倫擣。故魚網作紙。名網紙。後人以生布作紙。絲綆如故。麻紙。晉王羲之書蘭亭序。用蠶繭作紙。故名繭紙。今都中所用高麗紙。始自建中元年。日本使者興能所獻。方物。內紙似繭。即此也。以樹木皮作紙。名曰穀紙。唐明皇與貴妃賞牡丹。命李龜年持金花牋。賜李白。此外紙名雖出。如硬黃。縹紅。藤角。桑根。雁頭。牋布頭。牋。薛濤。牋。衍波。牋。雲藍紙。蜜香紙。桃花紙。琅玕紙。刻藤紙。難以悉舉。更如今之寧國。劈紙。松江。絹。牋。盛行於世。

紙上以鉛條或淡墨畫格名曰烏絲欄乃始於霍小
玉宋臺問者也總之紙取細結光亮性喜風惡濕宜
捲懸通風高處陳久用之則可任意搗毫濕燥由我
故書畫家競推澄心堂宋紙及宣紙舊庫足紙楚紙
筆說

上古結繩以治未嘗有筆黃帝垂裳蒼頡造文字然
後易之書契依類象形謂之文形聲相益謂之字著
一契同而別而筆始作焉筆者述也謂述事而言之
也按尚書中候玄龜負圖出周公援筆以時文寫之

曲禮云史載筆士載言。則知秦以前已有筆。而獨秦之蒙恬以造筆名著者。想恬更為損益之故耳。然名稱各異。楚謂之聿。吳謂之不律。燕謂之拂。秦謂之筆。筆之稱直延之今也。漢制筆雕以黃金。飾以和璧。綴以隋珠。文以翡翠。管非文犀。必以象牙。極華麗矣。今狼狐以下雜毛。皆可爲筆。而惟秋兔之毫爲最。王右軍筆經曰。惟趙國毫中用。然時人咸言兔毫無優劣。管乎有巧拙之語。予意匠工果需巧手。而毫管亦須選擇。我儔寒素。日事硯北。使用毛穎。何求華美。但竹

筆必選堅重圓直。則手執轉運可以從心。無牽強掣肘之病。顏頭必選尖齊圓健四字完備。又要剛柔二字相濟者。用之方可揮寫自如也。上四字乃筆之體。言外象也。下二字乃筆之用。言內才也。尖者筆頭尖細也。齊者於齒間輕緩咬開。將指甲筆之使扁排開。內外之毛一齊而無長短也。圓者週身圓潤飽湛。如新出肥土之筍。絕無低陷凹凸之處也。健者於指上打圈子。絕不澁滯也。柔者指頭上圈時。不覺硬強。剛者圈停提起。筆頭自能尖整者是也。凡筆外飾之毛。

或以雉尾蓋之。則五色可愛。亦足助發文思。若大提筆。必須用豬鬃。每根劈分四五根為之。則健爽鬆泛。且其心長。而舒斂稱意。揮灑自如也。

膠筆頭耐久不落法

筆頭匠工。每以松香鎔化粘之。往往不固。易於墮落。必須自將松香剔淨。以粉糰或角黍尖杵搗如膠黏之。可直至穎尖禿盡不墮。若要著水之排筆。施力取勢之提筆。則以嚴漆膠之。更固而不畏濕矣。

洗筆

士人用筆書寫。寫畢。即以筆於清水中擺去墨汁。又以素紙於筆外抹去餘墨。原不使墨少存留。倘遇不諳惜筆者。偶留宿墨於上。以致穎毫堅黏。必須洗去。方得穎毫仍舊輕活。靈變法。用磁盞盛熱湯。頻探數過。俟一飯頃。宿墨潤透。輕輕擺洗。次用冷水滌之。若沾油膩。則以皂角湯洗。清水過之。

藏筆

東坡以黃連煎湯調輕粉。蘸筆頭。候乾收之。黃山谷以蜀椒黃柏煎湯磨松煤染筆藏之。皆可以免蛀。余

每以紙封筆帽空孔處又多置蜀椒樟腦於筆匣中殊覺省便而辟蠹且又芳馥悅意筆匣亦以香樟木為之余家書櫝衣箱卧榻皆用香樟木造取其不生蠹不生蟲也

墨說 古制墨法見丹鉛總錄卷八

上古無墨竹挺點漆而書中古方以石磨汁或云是延安石液至魏晉時始有墨丸乃漆烟松煤夾和為之所以晉人多用凹心硯者欲磨墨貯濡耳自後有螺子墨亦墨丸之遺制唐高麗歲貢松烟墨多年老

松烟和麋鹿膠造成。至唐末墨工奚超與其子廷珪。自易水渡江。遷居歙州。南唐賜姓李氏。廷珪父子之墨始集大成。然亦用松烟。墨不甚精。宋熙豐間張遇供御墨。用油烟入腦麝金箔。謂之龍香劑。元祐間潘谷墨見稱於時。自後蜀中蒲大韶。梁杲。徐伯常。及雪齋。齊峰。葉茂實。翁彥卿等出世。不乏墨。惟茂實得法。清黑不凝滯。彥卿莫能及。中統至元以來。各有所傳。可以仿古。

用墨訣

高深甫云。墨之妙用。看墨法。質取其輕。輕取其清。嗅之

無香。磨之無聲。研墨法。新研新水。磨若不勝。忌急則熱。

熱則生沫。研墨即用墨。用則旋研。研無久停。塵埃汚墨。膠力

泥凝。弗存宿墨。用過則濯。墨積勿盈。陳墨宜。歲久膠靜。墨用

乃精。取材宜厚。可久弗傾。陳眉公云。此誠鑒墨之三

昧語也。

藏墨法

用熟艾和墨。收藏每遇黃霉。久雨潮天。則紙裹置於石灰末中。則不致發蒸。起白點霉。花常用爐火護之。

亦妙。但不可烘晒。一濕一烘晒。未有不裂而零落。以致不可研而為廢棄矣。凡墨錠厚者可以久藏。薄者不耐風燥潮濕。故隨用亦隨剝裂爾。

古窯器攷

陶窯上古已作。非虞帝始。

宋葉寘垣齋筆衡云。窯器自舜時便有。三代迄於秦漢。所謂甕器是也。此必葉公僅依周禮考工記有虞氏上陶禮記明堂位。泰有虞氏之尊也。韓非子。虞舜作食器。史記五帝本紀。舜陶河濱。作什器於壽邱。河

濱器皆不苦窳。諸經史之句而云然耳。鈞嘗閱汲古周書有云。神農作瓦器。路史有云。燧人爲釜。物原有云。神農作甕。及軒轅作筮。栺。紺珠有云。瓶。餅同。神農制。呂氏春秋有云。黃帝有陶正。昆吾作陶。說文亦云。昆吾作陶。春秋正義。少皞有五工正。搏埴之工曰鵠。雉之文。則陶窯上古已有。不自舜始也。意考工禮記韓非史記皆稱有虞氏者。蓋以上古太樸。陶器祇如今黃沙之質。至舜而制度略脩。精粗有別。故有恭尊。禮器之作。爾其稱上陶者。上與尚通。謂舜至質。貴陶。

器也。當訓好尚之尚。不作上下之上解。然稽唐虞三代以迄秦漢魏晉六朝著於經史子集者。如曰缶曰土壺曰土刑曰泰尊曰甒大瓦棺曰甑盆曰瓦甗之類。名凡數十。而窯無所攷。至唐而始著窯名。鈞念先王禮器法物。金玉犀象寶具。州野編氓。不特家未嘗藏。且更目未嘗覩。若窯陶瓷器。廼生民飲食日用之不可缺。寧可不辨精麤。不知高下乎。故并攷而詳之。

古今諸窯

越州窯 越州窯。唐代所燒。越州即今浙江紹興府。

也。夏后氏會諸侯。計功於此。命曰會稽。少康封少子
無餘。奉禹祀其地。號曰於越。春秋爲越國。秦置會稽
郡。屬吳。隋唐曰越州。宋曰紹興。陶至唐而盛。始尚窯
器。按唐越陶實爲錢氏秘色窯之所自始。陸羽茶經
推爲最上。謂邢瓷類銀。越窯類玉。邢瓷類雪。越瓷類
冰。邢瓷白而茶色丹。越瓷青而茶色綠。陸龜蒙詩云。
九秋風露越窯開。奪得千峰翠色來。韓偓詩云。越甌
犀液發茶香。孟郊詩云。越甌甌小盃也深者爲甌。荷葉空。鄭
谷詩云。茶新換越甌。桺柳州河東集代人進瓷器狀。

云、藝精埏埴。制合規模。晉杜毓萍賦云、器擇陶棟出

自東甌。

東甌閩中地。

甌亦越地。顧況茶賦云、越泥似玉之

甌。稱美越瓷者。不一而足。越窯之爲重於時如此。杜少陵集、韋處乞大邑瓷盃詩云、大邑燒瓷輕且堅。扣如哀玉錦城傳。君家白盃勝霜雪。急送茅齋也可憐。首句羨其質。次句想其聲。三句羨其色。說得珍重可愛。然後冀其急送茅齋。可知越州瓷器爲唐時韻物矣。

秘色窯

吳越秘色窯。錢氏有國時。於越州燒進。爲

供奉之物。臣庶不得用。故云秘色。然蜀王建報朱梁信物。有金稜碗。致語云。金稜含寶碗之光。秘色抱青瓷之響。則秘色乃是當時瓷器之名。不然。吳越專以此燒進。何王蜀反取之以報梁耶。

柴窯 柴窯後周柴世宗所燒。以其姓柴。故名。後周都汴。出北地。河南鄭州。其地本宜於陶也。宋政和官窯亦起於汴。汝亦唐河南道所轄之州。柴窯青如天。明如鏡。薄如紙。聲如磬。滋潤細媚。有細紋。相傳當日請瓷器式。世宗批其狀曰。雨過天青雲破處者。般顏。

色作將來足多麤黃土製精色異爲諸窯之冠論窯器者必曰柴汝官哥定而柴不可得矣得殘器碎片製爲繚環玩具蓋難得而貴重之也

定窯古定器宋時所燒出定州今直隸真定府也似象窯色有竹絲刷紋者曰北定以政和宣和間窯爲最好然難得成隊者有花者乃南定窯出南渡後然按東坡試院煎茶詩云定州花瓷琢紅玉則有花者非至南渡後而出也北貴於南定窯土脉細有光素凸花劃花印花繡花等種多因牡丹萱草飛鳳式

多工巧。劃花最佳。素者亦好。以白色而滋潤爲正。白骨而加以泐水。有如淚痕者佳。質麤而色黃者低。土俱白者。其價高於白定。間有紫定。色紫黑定。若漆不甚珍也。

汝窯 宋時以定州白瓷器。有芒不堪用。遂命汝州建青器。窯肩瑤瑤爲油。如哥而深。微帶黃。有似卵白。眞所謂淡青色也。汁水瑩厚如堆脂。格古要論云。汁中梭眼。隱若蟹爪者眞。又云。無紋者尤好。說似互異。此如端溪石子。辨鸛鵒眼。眼本石病得此。可驗眞水。

坑也。故曰無紋者尤好。底有芝蔴花細小掙釘土脉
質製較官窯尤滋潤。薄者難得。時唐鄧耀諸州悉有
窯而以汝爲冠。

官窯 宋政和間徽宗於京師置窯燒造曰官窯。土
脉細潤。色青帶粉紅。濃淡不一。有蟹爪紋。紫口鐵足。
文色上白而薄如紙者。頗亞於汝。其價亦然。有黑土
者。謂之烏泥窯。僞者皆龍泉所造。無紋路。中興渡江
有邵成章提舉後苑。襲舊京遺製。置窯於修內史。造
青器。號曰邵局。又曰內窯。亦曰官窯。澄泥爲範。極其

精緻其妙處。當在體質。油色又瑩徹。爲世所珍。後郊
壇別立新窯。亦曰官窯。比之舊窯。大不侔矣。南宋餘
姚秘色瓷。今人率以官窯目之。不能別白。間見亂真。
按餅花譜。以烏泥與龍泉均州章生諸窯並重。博
物要覽。謂烏泥質麤不潤。而釉水燥暴。溷入官窯。
今亦傳世。則當差肩象董矣。畱青日札云。建安烏
泥窯品最下。未可傳信。抑今昔之不同耶。

哥窯亦宋時所燒。本龍泉琉田窯。處州人章生一
生二兄弟。於龍泉之窯。各主其一。生一以兄。故其所

陶者曰哥窯。色青濃淡不一。土脉細薄。亦有鐵足紫口。多斷紋。號百圾碎。油水純粹者。最貴。色好者。類董窯。今亦少有。官窯質之隱紋如蟹爪。哥窯質之隱紋如魚子。但汁釉不如官窯。

龍泉窯。古龍泉窯。上細質厚。色甚葱翠。妙者與官哥爭艷。但少紋片。紫骨鐵足耳。有一等盆底有雙魚。盆外有銅掇環。器質厚實。極耐摩弄。不易茅蔑。第工匠稍拙。製法不甚古雅。若用白土造器。外塗泐水翠淺影露白痕。即章生二所陶者。時以哥名。兄窯。弟仍

龍泉之舊亦曰龍泉窯。又號章窯。土脉細且薄。翠青色者貴。又有粉青色者。較龍泉製度更覺細巧精緻。至今溫處人猶稱爲章窯。人或曰處器青器。春風堂隨筆云。弟所陶青器純粹如美玉。爲世所貴。即官窯之類。

按兄弟二窯其色皆青。濃淡不一。足皆鐵色。亦濃淡不一。舊聞紫足。今少見。惟兄窯有紋。弟窯無紋。爲別。哥窯在元末新燒。土脉麤燥。色亦不好。龍泉窯在明初。移處州。青器土亞。火候漸不及前矣。假

哥窯碎紋不能得鐵足。鐵足則不能聲。龍泉不能得其淡色。淡則無聲。此通雅鑑古之精者也。

吉州窯 出今吉安州永和鎮。宋時江西窯器出吉安屬廬陵縣。永和市有白色。有紫色者。與紫定相類。宋時有五窯。舒翁工爲玩具。燒者最佳。翁之女號舒嬌。尤善其爐。瓮諸色。幾與哥窯等價。花瓶大者直數金。小者有花。又有碎器更佳。今世俗訛稱哥窯。體厚質麤者。不甚直錢。相傳陶工作器入窯。宋文丞相過。變成玉。工懼事聞於上。遂封穴不燒。逃之饒。故景德

鎮陶工多永和人。

彭窯 元朝戲金匠彭均寶效古定器製折腰樣者甚整齊故以彭窯得稱。土脉細白者與定相似。比青口欠滋潤。極脆難以傳世。不甚直錢。市肆賣骨董者竟稱爲定器。非真賞家嘗以重價收之。

象窯 或云出今寧波府象山縣有蟹爪紋。色白而滋潤者高。黃而質麤者低。俱不甚直錢。

董窯 淡青色。細紋多有紫口。鐵足。比官窯無紅色。質麤而不細潤。不逮官窯多矣。今亦罕見真者。

按象薰二窯。不詳出處朝代。核之象窯。吉窯似定。董窯似官。其不同者。質麤欠滋潤耳。參窯又次彭窯。

均州窯。均即今河南禹州。均窯具五色。光彩太露。有兔絲紋。紅若胭脂。砂爲最。青若葱翠。紫若墨黑者。次之。三者色純。無少變露者。爲上品。底有一二數目字號。爲記者佳。青綠錯襟。若垂涎。皆上三色之燒。不足者。非別有此樣。俗取茄皮紫。豬肝紅。鼻涕等名。是可笑耳。皆無足取。此窯惟種菖蒲盆底佳。甚他如

坐墩。鑪合方餅。罐子俱黃沙泥坯。故器質不佳。近年新燒。皆宜與砂土爲骨。釉水微似。製有佳者。俱不耐用。

磁州窯。磁器。出古邯鄲地。磁州。故名磁器。昔屬河南彰德府。今屬北直隸廣平府。好者與定器相似。但無淚痕。亦有劃花綉花。素者價高於定。新者不足論。磁乃石名。此磁器以所出地而名也。今人訛以陶窯。幾反器概書爲磁器。真可笑耳。

建窯。出福建泉州府德化縣。玳瑁多是擊口。色黑。

而滋潤有黃兔斑滴珠大者真但體極厚舊建瓷有薄者絕類宋器而今罕矣佛像最佳按宋時茶尚擊盃以建安兔毫錢爲上品價亦甚高

山西窯 出太原府榆次縣平定州平陽府霍州霍州者曰霍器

高麗窯 出高麗國與饒相似色粉青者似龍泉有細花者鬚髯北定上有白花朵兒者不甚直錢

饒州窯 出江西饒州府浮梁縣西興鄉景德鎮水土宜陶宋景德中設鎮置監鎮奉御董造饒窯因名

其鎮曰景德鎮。袤延僅十餘里。山環水繞。僻處一隅。民窯二三百區。工匠人夫。不下數十萬。藉此飲食。候火如候晴雨。望陶如望黍稷。元更監鎮。爲提領本路總管監陶。宋元皆有命。則供。否則止。宋時燒鄉土窯。體薄而潤。色白。花青。較定器少。次。元朝燒小足印花。內有樞府字號者最高。新燒大足。素者欠潤。色白而瑩者亦好。有青花及五色花者。俗明初燒者。有青黑色。戩金者。多是酒壺酒琖。甚可愛。

按江西窯。唐在洪州。今南昌。見茶經。弋陽縣太平

鄉處州民。瞿志高來創造。亦有窯。其後民饑爲亂。嘉靖間。即橫峯窯鎮地。改立興安縣。遂廢弋陽之湖西馬坑。以陶爲業。所造餅罐缸甕盤盞之器。甚麤。給工匠之用。饒窯倣定器。用青田石粉爲骨。曰粉定。質麤理鬆。不甚佳。

洪武窯 明洪武三十五年。始開燒造。解京供用。有御器廠。廠東爲九江道。有官窯。除大龍缸窯外。青窯燒小器。色窯燒顏色。官窯器純。民窯器雜。官窯土骨坯乾。經年重用。車碾薄上釉。候乾數次。出火釉漏者。

礶去再上釉更燒之。故汁水瑩如堆脂。不易茅篾。此民窯之不得同者。官窯塗欲密。砌欲固。使火氣全而陶器易熟。不至鬆泄。官窯之異於民窯如此。

永樂窯 永窯造壓手杯。中心畫雙獅滾球爲上品。鴛鴦心者。次之。花心者。又次。杯外青花深翠。式樣精妙。若後來仿效。殊無可觀。

宣德窯 宣窯造祭紅紅魚靶杯。以西紅寶石爲末入泥。魚形自骨內燒出。凸起寶光。搃以汁水瑩厚。如堆脂。又有竹節靶罩蓋。酒壺小壺。此等創古未有。又

有白茶。淺光瑩如玉。內有絕細龍鳳暗花。花底有暗款。大明宣德年製。隱隱雞橘皮紋起。質料膩實。不易茅落。雖定窯何能比方。真一代之絕。冰裂鱗血紋者。幾與官汝窯敵。祭紅正宏陰萬間。亦有佳者。他如妙用種種小巧之物。尤佳。描畫不苟。蟋蟀澄泥盆。最爲精絕。此明窯極盛時也。

成化窯。成窯以五彩爲上。酒杯以鷄缸爲最。上畫牡丹。下畫子母鷄。躍躍欲動。五彩葡萄。擎口扁肚。靶杯式較宣杯妙甚。次若人物蓮子酒琰。卮蟲小琰。青

花紙薄酒琰。名式不一。點色深淺。瑩潔而質堅。神宗尚食御前成杯一雙。直錢十萬。當時已貴重如此。五彩齊箸小楮香合。各製小罐。皆精妙可人。

正德窯。正德間大璫鎮雲南。得外國回青。以鍊石爲偽寶。價倍黃金。已知其可燒窯器用之。色愈古。按回青以重色貴。當日工匠恣爲姦利。浮梁朱令劑量之法。其弊稍息。用青以回青與石青相兼。十雜一爲上。四六爲中。嘉窯惟御器給之。

嘉靖窯。宣德中以營造所丞專督御器廠工匠。嘉

靖初裁革中官。於各府佐輪選一員管理靖窯回青。盛作幽菁可愛。鮮紅土絕燒法亦不如前。僅可燒若紅色。惟回青效靈亦一時之會也。青花五彩二窯製器畧備。然當麻倉土將次告竭。饒土漸惡。體質較之宣器大不相侔。製度亦不及宣德遠甚。世宗經錄。醺壇用器有小白甌。名曰壇琰。正白如玉爲最。如魚扁琰。紅鉛小花合子亦爲世玩。

按宣德中以營造所丞專督御廠。正統初罷之者。志稱以兵興議寢陶息民之事也。景泰五年歲饒。

州歲造瓷器三之一。是既罷督造之官。又減歲供之數也。故宣宗晚後幾二十年。窯事不著。天順復辟。丁丑仍委中官燒造。而御器之監造如故。天成化二十二年。又裁饒州燒造官。此憲宗末年。孝宗初政。故終孝宗十八年。不言窯事。正德初置御器廠。專管御器者。復用中官也。故至嘉靖又裁之云。隆萬窯。隆慶六年。復起燒造。仍於各府佐輪選管理。萬歷初。以饒州督捕通判改駐景德鎮。兼理窯廠。按明瓷。至隆萬製作日巧。無物不有。然隆窯之秘戲。

殊非雅裁。他物汁水瑩厚如堆脂。有粟起若雞皮者。有發機眼若橘者。亦可玩也。

宜興窯 明時我江南之常州府宜興縣歐姓者造瓷器曰歐窯。有仿哥窯紋片者。有仿官均窯色者。彩色甚多。皆花盤匱架諸器。舊者頗佳。又有時大賓以紫泥燒茶壺。款式涵樸整齊精雅。爲賞家清玩。

皇朝窯 順治十一年造龍缸欄板等器。未成旋止。康熙十九年始遣內務府官駐廠監督。悉罷向派饒州屬邑六工。每開窯鳩工庀材。動支內帑。按時給直。

與市賈適均。且格外加厚。窯戶率以致富。樂於趨事。運器亦不預地方一切。不妨吏政事。官民懽怍。雍正初。楚撫嚴公名希堯。選料燒造。極其精美。乾隆八年。內務府員外郎管理九江關務唐公名英。遵

旨由

內廷交出陶冶圖二十張。次第編明。爲作圖說進呈。御覽。謹奉製造。所燒益精。古禮器尊彝彝鼎。卣爵之款。製文房硯屏墨牀。書滴畫軸。祕閣鎮紙。司直各適其用。而於中山毛穎。先爲之管。既爲之洗。卧則有牀。

架則有格立則有筍。仿漢人雙鉤碾玉之印章。其紐
法或爲龍虎。或爲龜蛇。或象或獅。或牛或馬。爲連環。
爲覆瓦。印色之池。或方或圓。或稜。可助翰藻。養花之
室。一二寸至五六尺。圓如壺。圓而下垂。如膽。圓而侈。
口庫下如尊。廉之成角。如觥。直如筍。方如斗。而口或
弇。形或扁。截方。圓稜之半。而平其背。可挂壁。其式不
一。書畫清防之板。有枕屏。有牀屏。爪杖鉢。塞黑白子。
閑適之具。百摺分襠。鰓耳索耳。戟耳。六稜四方。直脚。
石榴足。橘囊諸款。蠟茶鉢。金藏經諸色。燒香之爐。可

備燕賞。飯匕茶匙。齊飭之器。蠟斗。醋滴。深盤。鐙。鏡。方圓之枕。盆盎。壺鉢。杅案。可充日用。搔頭簪。道合歡之璫。大小合子。香澤粉黛之所儲藏。可供閨幃。至于鬪茶。曹飲。饋食之所需。壺尊。盃棨。爲類更繁。難以枚舉。其規範則定汝官哥。宣成嘉靖。佛郎之好樣。萃於一窯。其彩色則霽紅。砒紅。霽青。粉青。冬青。紫綠。金銀漆。黑雜彩。隨宜而施。其器品則規之萬之。廉之。控之。或崇或卑。或侈或弇。或素或彩。或堆或錐。又有瓜瓠花果象生之作。其畫染則山水人物。花鳥寫意之筆。青

綠渲染之製。四時遠近之景。規撫名家。各有元本。於是乎。金鏤銀琢。石髹漆螺甸。竹木匏蠹。諸作無不以陶爲之。仿倣而肖。則茲陶之一事。謂之洩造化之秘也。可謂之佐文明之瑞也。可有陶以來。未有今日之美備。此無他。

聖德覃深。民情樂利。人情優裕。人力寬閒。不吝費地產物。萃應運而起。日變而日上。所以直邁千古也。

陶器青爲貴

考工記曰。設色之工五。首列畫績之事。畫即畫也。績
爲染彩也。而陶器以青爲貴。五彩次之。夫瓷器之青
花。霽青。大釉。悉藉青料。晉曰縹瓷。唐曰千峰翠色。柴
周曰雨過天青。吳越曰秘色。其後宋瓷。雖具諸色。而
汝器宋燒者。淡青色。官窯以粉青爲上。哥窯龍泉窯。
其色皆青。白地青色。亦資青料。料出浙江金紹二府
所屬諸山。采者入山得料。於溪流淘去浮土。其色黑
黃。大而圓者。名頂圓子。爲上青。携至鎮。埋窯地。三日
取出。重淘洗之。始出售。其黑綠潤澤光色全者。爲上

選仿古霽青青花細器用之。雖黑綠而欠潤澤。祇供麤瓷。光澤全無者。傾棄之。用青之法。畫坯上。罩以釉。水入窯燒之。俱變青翠。若不用釉。其色仍黑。火候稍過。青花多散漫矣。明宣窯青花器。用蘇泥勃青。成化時已絕。正德朝大璫鎮雲南。得外國回青。嘉窯御器用回青。搥碎有硃砂斑者。曰上青。有銀星者。曰中青。淳回青。則色散而不收。石青加多。則色沈而不亮。每回青一兩。加石青一錢。謂之上青。四六分加。謂之中青。用以設色。則筆路分明。上青用以混水。則顏色明。

亮然產地太遠而不可繼。若廣東江西諸山產者。色薄不耐久。用陂塘青。產樂平一方。嘉靖中。樂平格殺。遂塞。用石子青。產瑞州諸處。畫青每晨午二次。

陶器畫彩盛於明

古瓷畫彩。成窯爲最。畫手高。畫料精。其點染生動。有出於丹青家之上者。調法有三。一用香油。油便渲染。一用膠水。膠便搨刷。一用清水。水便堆填也。大半取樣於錦段。寫生仿古十之三四。今瓷畫樣十分之則。彩居四。寫生居三。仿古二。錦段一也。洋彩者。五彩繪。

畫仿西洋也。絢艷奪目。而於象生及仿古銅器紫檀
雕竹螺甸各種。惟妙惟肖。搃之寫生以肖物爲上。仿
古以多見能精。比五彩之異於青花也。其調合諸種
顏色。先畫白瓷片。鑪火燒試。以驗色性。火候然後由
麤入細。以眼明心細。手準爲佳。雖曰洋彩。祇仿其法
而器品實出其上。堆器以筆蘸白泥堆坯上。成各樣
龍鳳花艸。加釉水。鍊灰燒成。錐器各樣坯上。用鐵錐
錐成龍鳳花艸。加釉水。鍊灰燒成。

釉水

釉水謂之墨澤出新正都曰長嶺作青黃釉曰義坑
作澆白器釉二處皆有柏葉斑又出桃花塢青花白
器通用之釉無灰不成釉灰出樂平縣在景德鎮南
四十里以青白石與鳳尾砂製鍊用水淘細而成配
以白不細泥調和成漿按器種類以爲加減盛之缸
內用曲木橫貫鐵鍋之耳以爲滲注之具其名曰盆
泥十盆灰一盆爲上釉泥七八灰二三爲中釉若平
對或灰多爲下釉重曰瑩澈曰純粹無釉水曰骨定
窯滋潤汝窯厚如堆脂官窯瑩澈舊器釉重故也圓

琢青花與仿古官哥定汝等器皆須上釉入窯上釉舊法將琢器之方長稜角者用羊毛筆蘸釉上器每失之不勻至大小圓器渾圓琢器俱在缸內蘸釉每有輕重且多破故全器難得今於圓器之小者仍於缸內蘸釉其琢器與圓器之大者用吹釉法截徑寸竹筒長七寸口蒙細紗蘸釉以吹吹之徧款視坯大小與釉之等類為多寡之差多至十五八徧少亦三四大抵蘸釉不急能勻重複蘸之則瑩厚必矣故吹釉之法補從前所未有用之良便所謂琢器者詳畧

以修內司所造爲最新窯。爲下其時已有差等。後有
新仿定器。有不減定人製法者。有製作極工。不入清
賞者。好事者指某器曰定。某器曰官。安知其不爲贗
鼎所惑耶。今流傳者。惟哥窯稍易得。蓋緣質厚耐藏。
定汝體薄。難於定壁故也。宋時宮中所有。率銅鈴其
口。以是損價。而今之求定汝者。即以銅鈴口爲真。骨
董家之誇古。往往如此。古人以足載器。器足多取沉
重。柴窯足每鑲黃土。官哥龍泉皆鐵足。至明永樂窯
壓手杯沙足。滑底宣窯壇球釜底綫足。靖窯魚扁殘

饅心圓足。陶器出窯底足可驗火法。

明窯合評

古瓷重青器。至明而祕色已絕。皆純白。或畫青花。或加五彩。永窯亦足貴重。景德二窯。皆內府燒造。以機眼。甜白爲常。以蘇麻離青爲飾。以鮮紅爲寶。永樂尚厚。成化尚薄。宣德青尚淡。嘉靖青尚濃。前後規制殊異。永在宣成之下。嘉之上。南村謂成青未若宣青。宣彩未若成彩。以宣窯五彩深厚堆垛。成窯用色淺深。頗有畫意也。然宣窯選料製樣繪畫題款。無一不精。

青花用蘇泥勃青。至成化其青已盡。只用平等青料。故論青花宣窯爲最。昔有論窯者。首成次宣次永次嘉。論雖不同。總之明器無能過宣成者。要知一時有一時聚精之物。故稍有高下之等。

大食窯 大食窯器。出大食國。以銅作身。用藥燒成。五色。與佛郎嵌相似。佛郎嵌即今發藍也。其鮮潤不及瓷器。又謂之鬼國窯。今雲南人在京多作酒琖。俗呼曰鬼國嵌。內府作者精細可觀。從兩廣來者。世稱爲洋磁。亦以銅作骨。嵌磁燒成。嘗見爐瓶盞碟。深盤。

壺盒等器。雖甚絢彩華麗。而欠光潤。僅可供閭閻之用。非士大夫文房清玩也。志云。廣東陽江縣產磁器。是此歟。俟咨攷其確。然此及後之玻璃窯。審之皆非瓷石所成。故爲諸窯之殿。

玻璃窯。西國寶名。因頗黎國所出。故名。玉篇云。水玉也。瑩如水。堅如玉。碾開有雨點花色者。真乃千年冰化。在島夷已爲難得之寶。後西國有燒者。則有氣眼而輕。明三寶太監出西洋。攜燒玻璃人來中國。故中國玻璃頗賤。作鏡。內外瑩潔。向月視之。不見。

其質。元中記云。大秦有五色頗黎。又有瑠璃。博雅曰。珠也。出黃支斯調日南諸國。大秦出者。有赤白黑黃青綠縹紺紅紫十種。本自然之物。隋志何稠傳云。稠博覽古圖。多識舊物。時中國久絕琉璃之作。匠無措手。稠以綠瓷爲之。顏師古漢書注云。今俗所用銷冶石汁。加以衆藥。灌而虛脆不貞。北魏太武時。有大月氏國人商販來京。自云能鑄石爲琉璃。於是採礦爲之。既成而光色妙於真者。遂傳其法至今。想隋時偶絕也。然中國鑄者質脆。沃以熱湯。應手而碎。蘇鑄者

更不及廣鑄惜乎月氏之法傳而稠之法不傳也。山東青萊鑄登明踰羊角薄過竹紙運至京中元宵賣之。云有大者可作斧障但脆而不能致遠小兒玩耍叫子亦此類之最下小器也。